

## Sior Olivo : " el vulcano in erusion "

... e nel atesa che e istitusion  
e ghe dedichi, a sior Olivo,  
o na piassa o un rion,  
tra palpabie emosion,  
canti, musica e ovasion,  
zè rivà el " vulcano in erusion ".  
El zè acolto come un divo,  
sì, zè l' afabie ed espansivo sior Olivo  
che a quei pochi che no i sa  
a su storia senza età  
ghe a conta in verità  
e se anche tanto tempo zè passà  
e tuto quanto vola via  
per sior Olivo zè na grande ipocrisia,  
perchè, lu, che sua su pee,  
el gà provà: guera, fame e prigionia  
quee " brute bestie, " daa testa,  
nol zè bon a mandar via ...  
ma sior Olivo, su!, el sgorli via  
se no el disgusta a compagnia  
e con un bon " Malvasia "  
a tristessa a scampa via.  
... e adesso, tuti quanti, ma un a volta,  
ghe demo " el sinque "  
con tanti auguri, a sior Olivo,  
che tra tanti complimenti,  
messagini dei assenti  
e ... l' invidia dee " maelingue "  
de " pirotecnici ani ", ancuo,  
ghe ne fa novantasinque.

( Luigi Pauletto )

09/04/2022 / 09/04/2017